



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԿՐԹՈՒԹՅԱՆ ԵՎ ԳԻՏՈՒԹՅԱՆ ՆԱԽԱՐԱՐՈՒԹՅԱՆ
ԳԻՏՈՒԹՅԱՆ ՊԵՏԱԿԱՆ ԿՈՄԻՏԵ
Ն Ա Խ Ա Գ Ա Հ**

ք. Երևան

«01» հունիսի, 2015 թ.

Հ Ր Ա Մ Ա Ն № 12 Ա/Ք

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿՐԹՈՒԹՅԱՆ ԵՎ ԳԻՏՈՒԹՅԱՆ
ՆԱԽԱՐԱՐՈՒԹՅԱՆ ԳԻՏՈՒԹՅԱՆ ՊԵՏԱԿԱՆ ԿՈՄԻՏԵԻ ԵՎ ՌՈՒՍԱՍՏԱՆՅԱՆ
ՀՈՒՄԱՆԻՏԱՐ ԳԻՏԱԿԱՆ ՀԻՄՆԱԴՐԱՄԻ ԿՈՂՄԻՑ ԱՆՑԿԱՑՎՈՂ ՀՈՒՄԱՆԻՏԱՐ
ԳԻՏԱԿԱՆ ՀԵՏԱԶՈՏՈՒԹՅՈՒՆՆԵՐԻ ՀԱՄԱՏԵՂ ՆԱԽԱԳԾԵՐԻ ԱԶԱԿՑՈՒԹՅԱՆ
«ՀՀ ԿԳՆ ԳՊԿ - ՌՀԳՀ - 2016» ՄԻՋԱԶԳԱՅԻՆ ՄՐՑՈՒՅԹ ԿԱԶՄԱԿԵՐՊԵԼՈՒ
ԵՎ ՄՐՑՈՒՅԹԻ ՀՐԱՎԵՐԻ ՓԱԹԵԹԸ ՀԱՍՏԱՏԵԼՈՒ ՄԱՍԻՆ**

Հիմք ընդունելով Հայաստանի Հանրապետության կառավարության 2007 թվականի հոկտեմբերի 18-ի N 1269-Ն որոշման Հավելված 1-ի 12-րդ կետի 4-րդ ենթակետը՝

Հ Ր Ա Մ Ա Յ ՈՒ Մ ԵՄ

1. Կազմակերպել Հայաստանի Հանրապետության կրթության և գիտության նախարարության գիտության պետական կոմիտեի և Ռուսաստանյան հումանիտար գիտական հիմնադրամի կողմից անցկացվող հումանիտար գիտական հետազոտությունների համատեղ նախագծերի աջակցության «ՀՀ ԿԳՆ ԳՊԿ - ՌՀԳՀ - 2016» մրցույթ (այսուհետև՝ Մրցույթ):
2. Հաստատել Մրցույթի հրավերի փաթեթը՝ համաձայն Հավելվածի:
4. Մրցույթի արդյունքների հաստատման լիազորությունը վերապահում եմ ինձ:
5. Սույն հրամանի կատարման հսկողությունը վերապահում եմ ինձ:

Ս. ՀԱՐՈՒԹՅՈՒՆՅԱՆ

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿՐԹՈՒԹՅԱՆ ԵՎ ԳԻՏՈՒԹՅԱՆ
ՆԱԽԱՐԱՐՈՒԹՅԱՆ ԳԻՏՈՒԹՅԱՆ ՊԵՏԱԿԱՆ ԿՈՄԻՏԵԻ ԵՎ ՌՈՒՍԱՍՏԱՆՅԱՆ
ՀՈՒՄԱՆԻՏԱՐ ԳԻՏԱԿԱՆ ՀԻՄՆԱԴՐԱՄԻ ԿՈՂՄԻՑ ԱՆՑԿԱՑՎՈՂ ՀՈՒՄԱՆԻՏԱՐ
ԳԻՏԱԿԱՆ ՀԵՏԱԶՈՏՈՒԹՅՈՒՆՆԵՐԻ ՀԱՄԱՏԵՂ ՆԱԽԱԳԾԵՐԻ ԱԶԱԿՑՈՒԹՅԱՆ
«ՀՀ ԿԳՆ ԳՊԿ - ՌՀԳՀ - 2016» ՄԻՋԱԶԳԱՅԻՆ ՄՐՑՈՒՅԹԻ**

ՀՐԱՎԵՐ

Հայաստանի Հանրապետության կրթության և գիտության նախարարության գիտության պետական կոմիտեի (այսուհետև՝ Կոմիտե) և Ռուսաստանյան հումանիտար գիտական հիմնադրամի (այսուհետև՝ Հիմնադրամ) միջև 2011 թվականի փետրվարի 18-ին կնքված «Համագործակցության մասին» համաձայնագրի շրջանակներում Կոմիտեն և Հիմնադրամը, ցանկանալով նպաստել հումանիտար գիտական հետազոտությունների ոլորտում համագործակցության զարգացմանը, հայտարարում են գիտական հետազոտությունների համատեղ նախագծերի աջակցության «ՀՀ ԿԳՆ ԳՊԿ - ՌՀԳՀ - 2016» ՄՐՑՈՒՅԹ (այսուհետև՝ Մրցույթ):

1. Ընդհանուր դրույթներ

1.1. Մրցույթի արդյունքում երաշխավորված նախագծերի ֆինանսավորումն իրականացվելու է Հայաստանի Հանրապետության պետական բյուջեի «Միջազգային գիտական համագործակցություն» ծախսային ենթածրագրի ֆինանսական միջոցների հաշվին:

1.2. Նախագծերն իրականացվում են հայաստանյան և ռուսաստանյան գիտնականներից կազմված խմբերի կողմից՝ հայաստանյան կողմից ներառելով 2-ից 4 մասնակից: Նախագծի հայաստանյան խմբերում կարող են ընդգրկվել պետական գիտական կազմակերպություններում և պետական բուհերում աշխատող գիտնականներ (դասախոսներ), պետական պատվերով առկա և հեռակա ուսուցման ասպիրանտներ,

մագիստրատուրայի ուսանողներ և բակալավրիատի երրորդ և չորրորդ տարվա ուսուցման ուսանողներ:

1.3. Կոմիտեի և Հիմնադրամի կողմից ֆինանսական աջակցություն ստանալու պարտադիր պայման է հետազոտության արդյունքների հրապարակումը գիտական պարբերականներում և ամսագրերում՝ այդ թվում միջազգային: Հետազոտությունների արդյունքները հրապարակելիս ցանկացած գիտնական պարտավոր է նշել Կոմիտեի և Հիմնադրամի կողմից ստացած աջակցության մասին՝ նշելով նախագծի ծածկագիրը, օրինակ.

1. Հետազոտությունն իրականացվել է «ՀՀ ԿԳՆ ԳՊԿ - ՌՀԳՀ - 2016» միջազգային մրցույթի արդյունքում ֆինանսավորվող №----- համատեղ գիտական ծրագրի շրջանակներում:
2. Исследование выполнено при поддержке Государственного комитета по науке МОН РА в рамках армяно-российского совместного научного проекта №....
3. The research is supported by the RA MES State Committee of Science, within the frames of the joint Armenian - Russian research project №....

1.4. Պարտադիր պայման է նաև նախագծի հեղինակների համաձայնությունը Կոմիտեի կամ Հիմնադրամի կողմից ֆինանսավորման երաշխավորված նախագծերի և դրանց գիտական հաշվետվությունների անոտացիաների տպագիր կամ էլեկտրոնային տեսքով հրապարակման համար:

1.5. Արգելվում է՝

- միևնույն նախագիծը ներկայացնել Կոմիտեի կողմից ֆինանսավորվող այլ մրցույթների,
- Կոմիտեի կողմից ֆինանսավորվող մեկ այլ մրցույթի համար արդեն իսկ ներկայացված կամ ֆինանսավորման երաշխավորված նախագծերը ներկայացնել սույն մրցույթին:

1.6. Մրցույթին չեն կարող մասնակցել Կոմիտեի կողմից ֆինանսավորվող միաժամանակ երկու մրցութային, այդ թվում՝ միջազգային, թեմաների (ծրագրերի) ղեկավարները կամ կատարողները (բացառությամբ անհատական խրախուսման մրցույթների շահառուների), եթե այդ թեմաները (ծրագրերը) չեն ավարտվում մինչև սույն մրցույթի արդյունքում երաշխավորված ծրագրերի ֆինանսավորման սկիզբը:

1.7. Նախագծերի ֆինանսավորման ժամկետը մինչև 2 (երկու) տարի է:

1.8. Մրցույթի մասնակիցները նախապես միմյանց հետ համաձայնեցնում են համատեղ հայտի բովանդակությունը: Նախագծի հայերեն անվանումը պետք է համընկնի դրա ռուսերեն անվանման հետ: Վերջնականապես ձևավորված և համաձայնեցված հայտը հայաստանյան կողմը ներկայացնում է Կոմիտե, իսկ ռուսաստանյան կողմը՝ Հիմնադրամ:

1.9. Մրցույթին չեն մասնակցում այն նախագծերի հայտերը, որոնք՝

- ներկայացվել են միայն Կոմիտե կամ միայն Հիմնադրամ,
- Կոմիտե կամ Հիմնադրամ ստացվել են հայտերի ընդունման համար հայտարարված ժամկետից ուշ,
- լրացվել են ոչ ըստ հայտերին ներկայացվող պահանջների,
- անվանմամբ և բովանդակությամբ ամբողջովին համընկնում են Հայաստանի Հանրապետության պետական բյուջեից ֆինանսավորվող (ֆինանսավորված) և իրականացվող (իրականացված) որևէ թեմայի կամ ծրագրի անվանման և բովանդակության հետ:

2. Մասնակիցներին ներկայացվող պահանջները

2.1. Նախագծի հայաստանյան խմբի բոլոր անդամները պետք է հանդիսանան Հայաստանի Հանրապետության մշտական բնակիչներ և նախագծի իրականացման ընթացքում պետք է բնակվեն Հայաստանի Հանրապետությունում:

2.2. Նախագծի ղեկավարը և մասնակիցները պետք է լինեն պետական գիտական կազմակերպությունների և բուհերի ներկայացուցիչներ:

2.3. Նախագծի ղեկավար կարող է լինել գիտական աստիճան ունեցող անձը, ով ունի առնվազն 5 (հինգ) տարվա գիտական կամ գիտամանկավարժական գործունեության ստաժ և վերջին 5 (հինգ) տարիների ընթացքում գրախոսվող ամսագրերում հրատարակված առնվազն 5 (հինգ) հոդված:

2.4. Նախագծի ղեկավարը և կազմակերպությունը, որտեղ իրականացվելու է նախագիծը, պետք է լինեն պաշտոնապես ձևակերպված աշխատանքային և քաղաքացիաիրավական հարաբերություններում կամ պարտավոր են ձևակերպել այդպիսի հարաբերություններ ֆինանսական աջակցությունը ստանալուց հետո:

2.5. Նախագծի ղեկավար չի կարող լինել այն անձը, ով գտնվում է նախագծի կատարողի վարչական ենթակայության տակ:

2.6. Որպես նախագծի ղեկավար գիտնականը մրցույթին կարող է ներկայացնել միայն 1 (մեկ) նախագիծ, իսկ նախագծի կատարողները պետք է ներգրավված լինեն միայն 1 (մեկ) նախագծում:

2.7. Նախագծի հայաստանյան խմբում պետք է ընդգրկվի կամ մինչև 35 տարեկան առնվազն 1 (մեկ) գիտաշխատող, կամ ասպիրանտ, կամ ուսանող:

3. Հայտերի լրացնելը և ներկայացնելը

3.1. Հայտն անհրաժեշտ է ներկայացնել մեկական տպագիր և էլեկտրոնային (խտասկավառակ) տարբերակներով:

3.2. Հայտն անհրաժեշտ է Կոմիտե ներկայացնել խմբի հայաստանյան կողմի ղեկավարի գրավոր դիմումով (Հավելված N 1)՝ աշխատանքային օրերին ժամը 10:00 - 13:00 և 14:00 - 17:00, ք. Երևան, Օրբելի եղբայրների 22, 7-րդ հարկ, 708 սենյակ:

3.3. Հայտերն ընդունվում են **2015 թ. հունիսի 1-ից մինչև 2015 թ. սեպտեմբերի 15-ը** ներառյալ (ժամը 17⁰⁰):

3.4. Հայտը բաղկացած է 1, 2, 3, 4 և 5 ձևերից:

3.5. Հայտի ղեկավարի ստորագրությունը պետք է լինի կազմակերպության գիտական քարտուղարի կամ ղեկավարի ստորագրությամբ հաստատված և կազմակերպության կնիքով վավերացված:

3.6. Հայտն անհրաժեշտ է ներկայացնել A4 ձևաչափի թղթի վրա տպված, 1.5 տողամեջ հեռավորությամբ, 12 չափի «Unicode» տառատեսակով («Sylfaen»՝ հայերեն և «Times New Roman»՝ անգլերեն ու ռուսերեն տեքստերի համար)՝ պահպանելով հայտի ձևերում առկա աղյուսակների ամբողջականությունը: Հայտի էլեկտրոնային տարբերակը պետք է ներկայացնել «Microsoft Word» ձևաչափով, մեկ ամբողջական ֆայլով, որի ծավալը չպետք է գերազանցի 4 մեգաբայթը (Mb):

3.7. Խմբի անունից հանդես գալու իրավունք ունի միայն խմբի ղեկավարը:

3.8. Կոմիտեն անցկացնում է ստացված հայտերի տեխնիկական ստուգում: Այն հայտերը, որոնք տեխնիկական ստուգման ընթացքում կճանաչվեն սույն հրավերի պահանջներին համապատասխանող, կներկայացվեն գիտական փորձաքննության:

4. Նախագծերի գիտական փորձաքննությունը

4.1. Հայտերը ենթարկվում են անկախ գիտական փորձաքննության, որը Կոմիտեն և Հիմնադրամը անցկացնում են ինքնուրույն՝ փորձագիտական համակարգի միջոցով:

Գիտական փորձաքննության կազմակերպչի և փորձագետների կողմից հայտերի բովանդակության, գիտական փորձաքննության ընթացքի և արդյունքի վերաբերյալ տեղեկությունների տրամադրումն այլ անձանց արգելվում է:

4.2. Հայտերը տրամադրվում են դրանց գնահատման նպատակով Կոմիտեի նախագահի հրամանով ձևավորված մասնագիտական փորձագիտական խորհուրդ (այսուհետև՝ Խորհուրդ)՝ Կոմիտեի փորձագետների շտեմարանում ընդգրկված փորձագետների ներգրավմամբ գիտական փորձաքննությունն իրականացնելու համար:

4.3. Փորձաքննությունն իրականացնելիս փորձագետն առաջնորդվում է գիտական փորձաքննության գնահատման թերթիկով (Հավելված N 4):

4.4. Հայտը գիտական փորձաքննության է ենթարկվում առնվազն 2 (երկու) փորձագետի կողմից: Յուրաքանչյուր հայտի համար փորձագետն առցանց լրացնում է գիտական փորձաքննության գնահատման թերթիկը՝ պատասխանելով դրանում առաջադրված բոլոր հարցերին: Փորձագետի գնահատականը կազմում է գնահատման սանդղակի առավելագույն միավորի մինչև 85 տոկոսը:

4.5. Երկու փորձագետների գնահատականները գնահատման սանդղակի առավելագույն միավորի 50% և ավելի չափով տարբերվելու դեպքում հայտը տրվում է երրորդ փորձագետին՝ գիտական փորձաքննության: Այդ դեպքում, գիտական փորձաքննության վերջնական գնահատականը երեք փորձագետների երկու իրար մոտ գնահատականների միջին թվաբանականն է:

4.6. Նախագծի հայաստանյան և ռուսաստանյան ղեկավարների և մասնակիցների մասնագիտական որակավորումը և համապատասխանությունը հայտի գիտական խնդիրները լուծելուն գնահատվում է Խորհրդի կողմից, որի գնահատականը կազմում է գնահատման սանդղակի առավելագույն միավորի մինչև 15 տոկոսը:

4.7. Հայտի գիտական փորձաքննության վերջնական գնահատականը երկու փորձագետների գնահատականների միջին թվաբանականի և Խորհրդի գնահատականի գումարն է:

4.8. Հայտը գիտական փորձաքննության է ենթարկվում առնվազն 2 (երկու) փորձագետի կողմից: Յուրաքանչյուր հայտի համար փորձագետը լրացնում է Կոմիտեի կողմից սահմանված գիտական փորձաքննության գնահատման թերթիկը՝ պատասխանելով դրանում առաջադրված բոլոր հարցերին:

4.9. Գիտական փորձաքննության ժամանակ գնահատվում է հայտի գիտական և գիտատեխնիկական նորոյթը և արդիականությունը, գիտության տվյալ բնագավառում

խմբի ձեռքբերումները և նրանց մասնագիտական որակավորման համապատասխանությունը, երիտասարդ (մինչև 35 տարեկան) մասնագետների ընդգրկվածությունը, նախագծի իրականացման նախադրյալները, փուլերը և ժամկետները, պահանջվող ֆինանսական միջոցների հիմնավորվածությունը և գիտության տվյալ բնագավառի առանձնահատկություններով պայմանավորված այլ խնդիրներ:

4.10. Ֆինանսավորման երաշխավորված նախագծերի ընդհանուր քանակը որոշվում է՝ հիմնվելով երկու կողմերի փորձաքննության արդյունքների վրա և ելնելով մրցույթի համար նախատեսված յուրաքանչյուր կողմի ֆինանսական հնարավորություններից:

4.11. Կոմիտեն Հայտերի ղեկավարներին է տրամադրում գիտական փորձաքննության արդյունքները, որոնք ներառում են փորձագետների եզրակացությունները՝ ապահովելով փորձագետի անանունությունը, Խորհրդի գնահատականները, շեմային գնահատականը, հայտի վերջնական գնահատականը:

4.12. Մրցույթի շրջանակներում արդյունքների բողոքարկման փուլ նախատեսված չէ:

5. Ֆինանսական և այլ պայմանները

5.1. Մրցույթի արդյունքները կամփոփվեն մինչև **2015 թ. դեկտեմբերի 30-ը**:

5.2. Կողմերից յուրաքանչյուրը ֆինանսավորում է իր կողմի գիտական խմբի աշխատանքների հետ կապված ծախսերը:

5.3. Հայաստանյան գիտահետազոտական խմբի տարեկան ֆինանսավորման առավելագույն ծավալները կազմում են 2 250,0, 3 375,0 և 4 500,0 հազար ՀՀ դրամ՝ համապատասխանաբար 2, 3 և 4 անձից բաղկացած գիտահետազոտական խմբերի համար:

5.4. Աշխատանքի վարձատրության համար հատկացված առավելագույն տարեկան գումարը չպետք է գերազանցի 3 360,0 հազար ՀՀ դրամը՝ 4 անձից բաղկացած խմբի համար, 2 520,0 հազար ՀՀ դրամը՝ 3 անձից բաղկացած խմբի համար, 1 680,0 հազար ՀՀ դրամ՝ 2 անձից բաղկացած խմբի համար:

5.5. Գործուղումների և գիտարշավների համար նախատեսվող գումարը չպետք է գերազանցի տարեկան հատկացված ամբողջ գումարի 20%-ը: Մնացած գումարը կարող է բաշխվել «Սարքեր և նյութեր» բաժնում՝ ներառելով ծախսեր գիտական հետազոտությունների ընթացքում օգտագործվող նյութերի ձեռքբերման, փոքր

սարքավորումների և գրենական պիտույքների համար: 100,0 հազար ՀՀ դրամը գերազանցող ծախսերը պետք է հիմնավորվեն ֆինանսական նախահաշվի մեկնաբանության մեջ: «Այլ ծախսեր» բաժնով նախատեսված գումարի մինչև 7%-ը հատկացվում է կազմակերպությանը՝ վերադիր ծախսերի համար:

5.6. Ֆինանսավորման երաշխավորված հայտերի ղեկավարները պետք է ներկայացնեն ընթացիկ (տարեկան) և ամփոփիչ հաշվետվություններ՝ ըստ նախագծի իրականացման պայմանագրի պահանջների և ժամկետների:

5.7. Ծրագրի հետագա ֆինանսավորումը դադարեցվում է ընթացիկ հաշվետվությունը սահմանված ժամկետում չներկայացնելու կամ վերջինիս վերաբերյալ Խորհրդի կողմից տրված գիտական փորձաքննության բացասական եզրակացության հիման վրա:

5.8. Խմբի ղեկավարի 2 (երկու) և ավելի ամիս անընդհատ հանրապետությունից բացակայության դեպքում ծրագրի ֆինանսավորումը կդադարեցվի: Խմբի անդամի 2 (երկու) և ավելի ամիս անընդհատ Հայաստանի Հանրապետությունից բացակայելու դեպքում խմբի ղեկավարը պետք է դիմի Կոմիտե՝ համարժեք փոփոխություն կատարելու առաջարկությամբ:

5.9. Համատեղ ֆինանսավորման երաշխավորված նախագծերի ցանկը կիրապարակվի Կոմիտեի պաշտոնական կայքում՝ www.scs.am:

5.10. Յուրաքանչյուր հայտատու մրցույթի շրջանակներում իր ներկայացրած հայտի փորձաքննության արդյունքների մասին կձանուցվի գրավոր:

«ՀՀ ԿԳՆ ԳՊԿ - ՌՀԳՀ - 2016» մրցույթին մասնակցության համար ռուսաստանյան կողմին ներկայացվող պահանջներին կարելի է ծանոթանալ <http://www.rfh.ru/> կայքում:

Մրցույթի պատասխանատու

ՀՀ ԿԳՆ գիտության պետական կոմիտեի աշխատակազմի

միջազգային համագործակցության բաժին

Հեռ.՝ 21 01 40 + 115

Անհրաժեշտ փաստաթղթերի ցուցակ

<input type="checkbox"/> Դիմում
<input type="checkbox"/> Տիտղոսաթերթ («Ձև 1»)
<input type="checkbox"/> Նախագծի անոտացիա
<input type="checkbox"/> Նախագիծ
<input type="checkbox"/> Ղեկավարի որակավորման տվյալները («Ձև 2»)
<input type="checkbox"/> Տեղեկություններ նախագծի կատարողի մասին («Ձև 3»)
<input type="checkbox"/> Ծախսերի նախահաշիվ («Ձև 4»)
<input type="checkbox"/> Ծախսերի նախահաշվի մեկնաբանություն («Ձև 4.1»)
<input type="checkbox"/> Մինչև 3 անցանկալի փորձագետների ցուցակ («Ձև 5»)

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿՐԹՈՒԹՅԱՆ ԵՎ
ԳԻՏՈՒԹՅԱՆ ՆԱԽԱՐԱՐՈՒԹՅԱՆ ԳԻՏՈՒԹՅԱՆ ՊԵՏԱԿԱՆ ԿՈՄԻՏԵԻ
ՆԱԽԱԳԱՀ ՊԱՐՈՆ Ս. ՀԱՐՈՒԹՅՈՒՆՅԱՆԻՆ

ՔԱՂԱՔԱՅԻ _____
(անուն, հայրանուն)
_____ ից
(ազգանուն)

(հասցե)

(հեռախոս)

ԴԻՄՈՒՄ

Խնդրում եմ ընդունել կից ներկայացվող հայտը՝ հումանիտար գիտական հետազոտությունների համատեղ նախագծերի «ՀՀ ԿԳՆ ԳՊԿ-ՌՀԳՀ - 2016» միջազգային մրցույթին մասնակցելու համար:

Դիմող՝ _____ (ստորագրություն) (_____ (անուն ազգանուն))

« ____ » _____ 2015 թ.

**ԳԻՏԱԿԱՆ ԵՎ ԳԻՏԱՏԵԽՆԻԿԱԿԱՆ ԳՈՐԾՈՒՆԵՈՒԹՅԱՆ ԲՆԱԳԱՎԱՌՆԵՐԸ ԵՎ
ՄԱՍՆԱԳԻՏՈՒԹՅՈՒՆՆԵՐԸ՝ ՀԱՄԱՊԱՏԱՍԽԱՆ ԴԱՍԻՉՆԵՐՈՎ**

5. ՀԱՍԱՐԱԿԱԿԱՆ ԳԻՏՈՒԹՅՈՒՆՆԵՐ

- 5.1 Հոգեբանություն
- 5.2 Տնտեսագիտություն
- 5.3 Մանկավարժական գիտություններ
- 5.4 Սոցիոլոգիա
- 5.5 Իրավագիտություն
- 5.6 Քաղաքագիտություն
- 5.7 Սոցիալական աշխարհագրություն
- 5.8 Այլ հասարակական գիտություններ

6. ՀԱՅԱԳԻՏՈՒԹՅՈՒՆ ԵՎ ՀՈՒՄԱՆԻՏԱՐ ԳԻՏՈՒԹՅՈՒՆՆԵՐ

- 6.1 Պատմություն, հնագիտություն
- 6.2 Լեզվագիտություն, գրականագիտություն
- 6.3 Փիլիսոփայություն, էթիկա
- 6.5 Արվեստագիտություն
- 6.6 Այլ հումանիտար գիտություններ

**ՀՈՒՄԱՆԻՏԱՐ ԳԻՏԱԿԱՆ ՀԵՏԱԶՈՏՈՒԹՅՈՒՆՆԵՐԻ ՀԱՄԱՏԵՂ ՆԱԽԱԳԾԵՐԻ «ՀՀ
ԿԳՆ ԳՊԿ - ՌՀԳՀ - 2016» ՄԻՋԱԶԳԱՅԻՆ ՄՐՑՈՒՅԹԻ**

ՀԱՅՏ

Հայտը հանձնված է « _____ » _____ 2015 թ. Ծածկագիր՝ _____
(լրացվում է ՀՀ ԿԳՆ գիտության պետական կոմիտեում)

Տ Ի Տ Ղ Ո Ս Ա Թ Ե Ր Թ

1. Հայտի

- վերնագիրը (15 բառից ոչ ավելի՝ հայերեն, անգլերեն և ռուսերեն)

- քնագավառը _____

- մասնագիտական դասիչը _____

2. Հուշող (բանալի) բառեր (հայերեն, ռուսերեն և անգլերեն)

3. Հայտի ղեկավարի

- ազգանունը, անունը, հայրանունը _____

- ծննդյան թիվը _____

- գիտական աստիճանը _____

- պաշտոնը _____

- հեռախոսը _____

- էլեկտրոնային հասցեն _____

4. Կազմակերպության լրիվ, կրճատ անվանումները, կազմակերպարավական ձևը և

- գերատեսչական պատկանելությունը _____

5. Կազմակերպության հասցեն, հեռախոսը և էլեկտրոնային հասցեն _____

6. Նախագծի կատարման համար անհրաժեշտ ժամանակահատվածը _____ տարի

7. Խմբի (ներառյալ ղեկավարը) անդամների թիվը _____

8. Աշխատանքի վարձատրության (ներառյալ եկամտային հարկը) գումարը _____

հազար դրամ

9. Վերադիր ծախսերի գումարը _____ հազար դրամ
10. Հայցվող ընդհանուր գումարը _____ հազար դրամ
11. Հայտի ղեկավարի ստորագրությունը _____
12. Կազմակերպության գիտական քարտուղարի (կամ ղեկավարի) ստորագրությունը

« ____ » _____ 2015 թ.

Կ.Տ.

ՆԱԽԱԳԾԻ ԱՆՈՏԱՑԻԱ*

* Համառոտ պարբերությամբ հայերեն, անգլերեն և ռուսերեն ներկայացնել նախագծի նպատակները:

* Ներկայացնել 14 էջի սահմաններում (ներառյալ գրաֆիկները, գծագրերը, լուսանկարները և գրականության ցանկը՝

1. 8 էջի սահմաններում ներկայացնել խնդրի դրվածքը, դրա արդի վիճակը, նախագծի գիտական նպատակները, հետազոտական ծրագիրը, իրականացման եղանակները, առկա և անհրաժեշտ նյութական ռեսուրսները,
2. 2 էջի սահմաններում նշել տվյալ ուղղությամբ խմբի ունեցած ձեռքբերումները և ակնկալվող արդյունքները,
3. 2 էջի սահմաններում նկարագրել նախագծի ռուսական կողմի խմբի կողմից իրականացվելիք խնդիրները,
4. Օգտագործված գրականության ցանկը:
5. Նախագծի ռուսերեն տեքստը ներկայացնել առանձին:

ՂԵԿԱՎԱՐԻ ՈՐԱԿԱՎՈՐՄԱՆ ՏՎՅԱԼՆԵՐԸ

1. Ազգանուն, անուն, հայրանուն _____
(հայերեն, անգլերեն և ռուսերեն)
2. Ծննդյան տարեթիվն ու ծննդավայրը _____
3. Գիտական աստիճանը _____
4. Վերջին թեզի ծածկագիրը, պաշտպանության տարեթիվը և վայրը

5. Հրատարակված
 - գիտական հոդվածներ (թիվը) _____
 - մենագրություններ (թիվը) _____
6. Արտոնագրեր (թիվը) _____
7. Վերջին 5 տարում հրատարակված գիտական հոդվածները
(նշել վերնագիրը, ամսագիրը, տարին, հատորը, էջերը)
 - 1) _____
 - 2) _____
(անհրաժեշտության դեպքում ավելացնել լրացուցիչ տողեր)
8. Նշել Կոմիտեից և այլ աղբյուրներից ստացված դրամաշնորհները
 - 1) _____
 - 2) _____
(անհրաժեշտության դեպքում ավելացնել լրացուցիչ տողեր)

« ____ » _____ 2015 թ. _____
(ղեկավարի ստորագրությունը)

СВЕДЕНИЯ О РОССИЙСКОМ СО-РУКОВОДИТЕЛЕ ПРОЕКТА

1. Фамилия, имя, отчество _____
2. Дата рождения _____
3. Ученая степень _____
4. Место работы _____
5. Должность _____
6. Область научных интересов (код(ы) классификатора РГНФ)

7. Список научных работ, соответствующих предлагаемому проекту (не более пяти)
8. Контактный телефон _____
9. E-mail _____

ՏԵՂԵԿՈՒԹՅՈՒՆՆԵՐ ՆԱԽԱԳԾԻ ԿԱՏԱՐՈՂԻ ՄԱՍԻՆ*

Ազգանուն, անուն, հայրանուն (հայերեն)	
Ազգանուն, անուն, հայրանուն (անգլերեն)	
Ազգանուն, անուն, հայրանուն (ռուսերեն)	
Ծննդյան տարեթիվն ու ծննդավայրը	
Կրթությունը (բուհ, մասնագիտություն)	
Գիտական աստիճանը	
Վերջին թեզի ծածկագիրը, պաշտպանության տարեթիվն ու վայրը	
Աշխատանքի վայրը, պաշտոնը	
Հեռախոսը (աշխատանքային, տան, բջջային)	
Էլեկտրոնային հասցե	
Հրատարակված գիտական հոդվածները՝ այդ թվում նախագծին առնչվող հոդվածները (նշել վերնագիրը, ամսագիրը, տարին, հատորը, էջերը), 5-ից ոչ ավելի	
1.	
2.	

* Լրացվում է յուրաքանչյուր կատարողի համար:

СВЕДЕНИЯ О РОССИЙСКОМ УЧАСТНИКЕ ПРОЕКТА*

1. Фамилия, имя, отчество _____
2. Дата рождения _____
3. Место работы _____
4. Должность _____

* Լրացվում է յուրաքանչյուր կատարողի համար:

Հ Ա Յ Տ Ի Ծ Ա Խ Ս Ե Ր Ի Ն Ա Խ Ա Հ Ա Շ Ի Վ

Հայտի ծածկագիրը _____
(լրացվում է ՀՀ ԿԳՆ գիտության պետական կոմիտեում)

ԱՇԽԱՏԱՆՔԻ ՎԱՐՁԱՏՐՈՒԹՅՈՒՆ (ներառյալ եկամտային հարկ, հազար դրամ)						
Ազգանուն, անուն	Առաջին տարի			Երկրորդ տարի		
	Ամսական	Ամիսների քանակը	Պահանջվող գումարը	Ամսական	Ամիսների քանակը	Պահանջվող գումարը
1)						
2)						
3)						
4)						
ԸՆԴՀԱՆՈՒՐ ԳՈՒՄԱՐԸ						
ԱՅԼ ԾԱԽՍԵՐ, այդ թվում						
1. ՍԱՐՔԵՐ ԵՎ ՆՅՈՒԹԵՐ (թվարկել 100,0 հազար ՀՀ դրամը գերազանցող բոլոր ծախսերը, հիմնավորվել ֆինանսական նախահաշվի մեկնաբանության մեջ)				Առաջին տարի	Երկրորդ տարի	
1)						
2)						
ԸՆԴՀԱՆՈՒՐ ԳՈՒՄԱՐԸ						
2. ԳՈՐԾՈՂՈՒՄՆԵՐ (հիմնավորել ֆինանսական նախահաշվի մեկնաբանության մեջ)						
1) տեղական գործուղումների տրանսպորտային ծախսեր						
2) տեղական գործուղումների օրապահիկ						
3) տեղական գործուղումների գիշերավարձ						
4) օտարերկրյա գործուղումների տրանսպորտային ծախսեր						
5) օտարերկրյա գործուղումների օրապահիկ						
6) օտարերկրյա գործուղումների գիշերավարձ						
7) գործուղումների հետ կապված այլ ծախսեր (վիզա կամ այլ վճարումներ)						
ԸՆԴՀԱՆՈՒՐ ԳՈՒՄԱՐԸ						
3. ԵՆԹԱՊԱՅՄԱՆԱԳՐԱՅԻՆ ՀԱՄԱԳՈՐԾԱԿՑՈՒԹՅՈՒՆ (նշել ենթապայմանագրային համագործակցության բոլոր ֆիզիկական և իրավաբանական անձանց, համագործակցությունը մանրամասն նկարագրել ֆինանսական նախահաշվի մեկնաբանության մեջ)						
Ենթապայմանագրային համագործակցության վարձավճար						
Ազգանուն, անուն, հայրանուն	Առաջին տարի			Երկրորդ տարի		
	Օրավարձը	օրերի քանակը	Պահանջվող գումարը	Օրավարձը	օրերի քանակը	Պահանջվող գումարը
1)						
2)						
ԸՆԴՀԱՆՈՒՐ ԳՈՒՄԱՐԸ						
Ենթապայմանագրային համագործակցության նյութեր և ծառայություններ (թվարկել 100,0 հազար ՀՀ դրամը գերազանցող բոլոր կետերը և հիմնավորել)				Առաջին տարի	Երկրորդ տարի	
1)						
2)						
ԸՆԴՀԱՆՈՒՐ ԳՈՒՄԱՐԸ						
4. ՎԵՐԱԴԻՐ ԾԱԽՍԵՐ						
ՀԱՅՑՎՈՂ ԸՆԴՀԱՆՈՒՐ ԳՈՒՄԱՐԸ						
ԱՅԼ ԱՐՔՅՈՒՐՆԵՐԻՑ ՍՏԱՑՎՈՂ ՆԵՐԴՐՈՒՄՆԵՐ (ներկայացնել ֆինանսական նախահաշվի մեկնաբանության մեջ)						

Հայտի ղեկավար՝ _____
(ստորագրություն) (ազգանուն, անուն, հայրանուն)

Կազմակերպության գլխավոր հաշվապահ՝ _____
(ստորագրություն) (ազգանուն, անուն, հայրանուն)

ԾԱԽՍԵՐԻ ՆԱԽԱՀԱՇՎԻ ՄԵԿՆԱԲԱՆՈՒԹՅՈՒՆ*

* Բացատրել և հիմնավորել ֆինանսական նախահաշվի բոլոր կետերը

ՄԻՆՉԵՎ ԵՐԵՔ ԱՆՑԱՆԿԱԼԻ ՓՈՐՁԱԳԵՏՆԵՐԻ ՑՈՒՑԱԿ*

№	ԱՋԳԱՆՈՒՆ ԱՆՈՒՆ ՀԱՅՐԱՆՈՒՆ
1.	
2.	
3.	

* Թույլատրվում է նշել մինչև 3 (երեք) անցանկալի փորձագետների անուն: Այս մասը գաղտնի է, հասանելի է միայն գիտական փորձաքննությունը կազմակերպողներին և չի ընդգրկվելու հայտի պաշտոնական տարբերակի մեջ: Այն օգտագործվելու է միայն հայտի գիտական փորձաքննությունն իրականացնող փորձագետների կազմում նշված անձանց ընդգրկելը բացառելու համար:

Փորձագիտական եզրակացություն, հայտ _____

Ղեկավարի ազգանունը _____

Հարցաշարի յուրաքանչյուր հարցի պատասխանը տրվում է թվային գնահատականով, առավելագույնը 5 միավոր (**0,5 միավորի ճշտությամբ**), հետևյալ սանդղակով.

0	Հարցի պատասխանը բացակայում է կամ այն չի կարող որոշվել տեղեկատվության բացակայության պատճառով:
1	Շարժ վատ: Պատասխանը ներկայացված է մակերեսորեն և խիստ անորոշ:
2	Վատ: Հարցի պատասխանը բավարար չէ նրա վերաբերյալ ամբողջական կարծիք կազմելու համար:
3	Միջին: Պատասխանը ընդհանուր առմամբ բավարարում է հարցի պահանջներին, բայց կան նաև զգալի թվով անհամապատասխանություններ, որոնք սակայն շտկելի են:
4	Լավ: Հարցի պատասխանը առաջադրված պահանջներին համապատասխանում է որոշակի վերապահումներով:
5	Գերազանց: Պատասխանը լիովին համապատասխանում է հարցի պահանջներին և թերություններն աննշան են:

Հարցաշար

1.	Արդիականություն: Որքանո՞վ է արդիական առաջարկվող հետազոտությունը:	
2.	Նախադրյալներ: Որքանո՞վ են բավարար ղեկավարի գիտագործնական ձեռքբերումները գիտության տվյալ բնագավառում:	
3.	Նորույթ: Որքանո՞վ է նոր ու հեռանկարային առաջարկվող հետազոտությունը:	
4.	Ծրագիր: Որքա՞ն հստակ է ձևակերպված գիտական ծրագիրը:	
5.	Մեթոդներ և պլան: Որքանո՞վ են նախագծի պլանը և առաջարկվող մեթոդները համապատասխանում հետազոտության նպատակների իրականացմանը:	
6.	Արդյունք: Որքանո՞վ են նշանակալից ակնկալվող արդյունքները՝ գիտական և գործնական տեսանկյուններից:	
7.	Երիտասարդ մասնագետներ: Որքանո՞վ են համապատասխանում խմբում ընդգրկված երիտասարդ մասնագետների (մինչև 35 տարեկան), ասպիրանտների, ուսանողների մասնագիտական ուղղվածությունը գիտական ծրագրի իրականացմանը:	
8.	Նպատակահարմարություն: Որքանո՞վ է նպատակահարմար համատեղ հետազոտությունների իրականացումը նախագծում դրված խնդիրների լուծման համար:	
9.	Համագործակցություն: Ի՞նչ մակարդակի վրա է գտնվում կողմերի միջև առկա համագործակցությունը (0՝ եթե համագործակցություն առկա չէ):	
10.	Նախահաշիվ: Որքանո՞վ են պահանջվող ֆինանսական միջոցները բավարար գիտական ծրագրի իրականացման համար:	
Փորձագետի գնահատական (10 գնահատականների գումարը)		

Փորձագետի մեկնաբանություններ (պարտադիր է, ծավալը չի սահմանափակվում)

Փորձագետ _____ Ամսաթիվ _____

Խորհրդի եզրակացություն

1.	Գիտական ծրագրի ղեկավար: Որքանո՞վ է համապատասխանում հայաստանյան կողմի ղեկավարի մասնագիտական որակավորումը գիտական ծրագրի իրականացմանը:	
2.	Գիտական ծրագրի կատարողներ: Որքանո՞վ է համապատասխանում հայաստանյան կողմի կատարողների մասնագիտական որակավորումը գիտական ծրագրի իրականացմանը:	
3.	Ռուսաստանյան խումբ: Որքանո՞վ են համապատասխանում ռուսաստանյան կողմի ղեկավարի և կատարողների մասնագիտական որակավորումը գիտական ծրագրի իրականացմանը:	
Խորհրդի անդամի գնահատականը (3 գնահատականների գումարը)		
Վերջնական գնահատական (Փորձագետի և հանձնաժողովի գնահատականների գումարը)		

Խորհրդի անդամ(ներ) _____

(անուն, ազգանուն)

(ստորագրություն)

Ամսաթիվ _____